

四川大學古籍整理研究所編

儒藏

史部 第二三冊

四川大學出版社

四川大學古籍整理研究所 編

儒藏·史部

儒林史傳

第二十七冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目



目 錄

續學統續
清·張廷琛編撰
夏成吉增補
.....

續學統內編中卷三

天台張廷琛補瑕原本

富陽夏成吉貞立增補

山東

淄川賈緒奎
長山班貞雯
長山賈鳳芝
長山賈致遠
校刊

清恪張敬菴先生伯行

先生姓張氏諱伯行字孝先號敬菴河南儀封人父巖邑諸生明季奉母避亂兄爲寇掠被篋幾斃負而逃出族有嫠婦馬氏郭氏王氏悉爲立後歲祲煮粥以賑全活甚衆歿祀鄉賢先生幼承庭訓不汲汲於科名應童試至二十五歲不售而意自得也後中康熙乙丑進士歸築精舍南郊縱觀諸子百家及讀小學近思錄乃恍然曰入聖門庭在是矣遂以聖賢爲必可學毅然有搜紹之志



儒藏

續學統

內編中

卷三

讀書七年，補內閣中書。父憂歸，啜粥三年，不入內室。服闋，建請見書院，與鄉人士講明正學，奮興者甚衆。己卯夏，大水，率居民築隄保境。河督張公鵬翮異之，疏請檄贊，三辭不許。以原銜赴河工，督修黃河南岸隄及馬家港、東壩、高家堰石工。以勞績懋著，授山東濟寧道。值歲饑，傾家財運穀以濟，載錢及棉衣數艘，分給凍餒者。尋奉命賑汶上，暘谷饑，動倉穀二萬二千有奇。藩司責其專擅，將申劾，巡撫直之得免。四十四年，聖祖南巡閱河，御書布澤安流四字以賜。明年夏，遷江寧按察使。吏白故事，送督撫贄約金四千。先生曰：我誓不取民一錢焉。辦此揚州諸生六人忤郡守，巡撫欲盡褫之。先生曰：以窮諸生冠服迎合上官，吾不爲也。力雪之。四十六



年聖祖南巡命督撫舉賢能先生隨督撫入對。上曰朕向原認識爾到江南卽知爾爲清官。復顧問督撫皆曰好。大學士張公玉書對亦然。上曰江南更有如此好官否。皆曰無。上曰然則爾等何以不保舉。今朕自保之。他日居官好天下以朕爲明主。否則笑朕不知人。又曰張伯行篤實卽置之行間亦非退縮者。遂擢福建巡撫。隨駕至西湖御書廉惠宣猷四字以賜。涖閩值旱荒發帑賑歲遣官買米平糶。禁米船入海絕盜糧擒巨盜陳首魁吳海等疏請增鄉試中額十名。建鰲峯書院祀宋五先生。延九郡一州才品卓越行誼端方之士讀書談道其中爲明體達用之學。設藏書樓購古今經籍四百六十餘種。厚捐膏火以資多士。視山左時所建清源

夏鎮、濟陽數書院，又迥然不同矣。他如毀淫祠爲義塾，贖女尼爲民婦，在閩三載，政教大行，士民愛之，爲之語曰：撫民如慈母，訓士若良師。上將令移撫江南，大學士李公光地請留閩。張公玉書奏：江南比歲災，非此人往不可。上笑曰：汝兩人不必爭，朕當慎簡一人以畀汝閩。遂移撫江蘇，而以陳公瓚代之。士民攀號如失怙恃。先生疏請緩帶徵漕，又請賑徐州府及海、高等十四州縣災，並蠲瓜州浮稅。奏劾屬僚無所阿徇，豪猾皆望風遠遁。時總督噶禮張威福先生遇事持正，鬱鬱不自得，以病乞休。有詔不許。五十年，江南鄉試副考官趙晉與總督交通關節，榜出譁然。士子昇財神入文廟，正考官左必蕃不自安。疏聞，先生亦據實奏。上命尙書張鵬

翮侍郎赫壽出按其事、爲總督所持、讞莫能定。明年春、先生上疏、劾督臣抗旨欺君、營私壞法、請正國典、以彰公論。其略曰、皇上臨御以來、內外臣工罔不奉法。兩江督臣噶禮、受參養不爲不久、蒙委任不爲不專、稍有人心、自當仰圖報効。不謂督臣自履任後、文武屬員逢迎趨附者、雖穢跡昭彰、亦可包荒藏垢。守正不阿者、雖廉聲素著、難免吹毛索瘢。此在聖明睿照之中、無容臣再爲贅瀆。可異者、江南今科鄉試、盛傳總督通同監臨、提調攬賣舉人、臣以督撫藩司皆朝廷大吏、豈有喪心病狂至於如此之極。迨後榜揭不公、主考臣左必蕃疏內有或發督臣嚴審之語、又聞總督要銀五十萬兩保全無事、臣雖未敢遽信、固已心竊疑之。及奉旨會同

察審、則舉人程光奎、吳泌供稱關節是實、藩司書辦李啟供與家人軒三買賣舉人是實。督臣大怒、不容直言。臣再三勸解、歷詢諸犯、皆有確據。及提訊軒三、語多曖昧、事涉督臣。夫國家設科取士、以供將來任使、必科目之中有正士、斯朝廷之上有正人。我皇上諄切訓戒、以期風清弊絕、不謂賄賂公行、自有制科以來、未有江南辛卯之甚者。奉命徹底詳察、而督臣必不肯詳察。奉命嚴加審明、而督臣必不欲審明。推其抗違聖旨、始終庇護之故、則以前通同監臨、提調攬賣舉人、以後要銀五十萬兩保全無事之說、情真事實、不爲無稽之浮論矣。其欺君壞法之罪、督臣雖百喙奚辭。若不請旨解任、一併發審、則通同作弊之人、仍爲奉旨察審之人、眞



情何由得出、國法何由得伸哉。故自督臣震怒之後、至今要犯一名不能提、真供一句不可得、皆由督臣驕橫之氣足以震懾人心、臣實有欲提不能、欲訛不得者、不得不大聲疾呼、煩瀆聖聽。我皇上明見萬里、無徵不照、而督臣敢於欺。皇上待督臣高爵厚祿、何等隆重、而督臣竟忍負擅作威福、賣朝廷之官、賣朝廷之法、復賣朝廷之舉人、惡貫滿盈、兩江之人知之、在朝之人知之、天下之人無不知之。祇緣權勢赫奕、莫敢撓其鋒以賈禍。臣非不知此言一出、天下無不爲臣寒心。但臣自念一介豎儒、候補中書數年之間、超遷巡撫、受恩之深、無過於臣。圖報之難、亦無過於臣。故在督臣、敢於欺負皇上、臣則斷不敢顧慮身家、畏避權勢、同爲欺君負恩。

之人貽譏天下後世。是雖言出禍隨，亦所不惜。況臣之功名子奪，出自朝廷，性命死生亦有定數。督臣雖甚殘險，亦豈遂能加害無辜。臣又何憚而不言。仰祈皇上大奮乾斷，將兩江督臣噶爾丹解任發審。俾狐鼠之輩失所憑藉，而承審之官亦無瞻顧。庶真情得出，國法得伸。振千古之綱常，培一時之士氣。除兩江之民害，快四海之人心。將見天下後世咸仰聖主除奸燭弊之神明，億萬斯年永享國家賢良喜起之福澤矣。疏入，噶禮亦飛章訐先生不肯出洋捕賊及誣陷牙行張元隆諸款。上命俱解任，付使者雜治。使臣皆左袒總督。上切責張鵬翮、赫壽掩飾和解，命尚書穆和倫、張廷樞覆訊。訛仍如前，部議亦如之。上知先生爲天下清官第一，責諸臣



變亂是非、乃命九卿、臺諫、矢公據實再議。議上、聖祖復諭曰、治天下、要歸至公。朕御極五十年、諸事以公心處之。張伯行居官清廉、天下所共知。噶禮操守、朕不能信。微伯行在彼、江南股削半矣。朕自幼讀書、研窮性理、如此清官不爲保全、則讀書數十年何益。而凡爲清官者、何所賴以自安乎。初次遣官往審、被噶禮制定、再遣往審、與前無異。汝等旣係大臣、知張伯行清廉、當會議時、何無一言。及朕有旨、始同聲贊其清、亦已晚矣。宜體朕保全清官至公之意、使正人無所畏忌、則海宇享昇平之福。翼日命先生復任、而黜噶禮、尋拏戮焉。方先生之解職也、百姓罷市、哭聲震揚城、且議相率叩闕。先生慰諭再三、環泣不肯退。蘇州等郡相繼報罷市、士民

扶老携幼具果蔬來獻。先生辭皆泣曰：「公在任，止飲吳江一杯水。今將去，子民一片心不可卻也。」乃取腐一塊、菜一束，衆仍委地去。獄具回蘇，揚人慮途中不測，將集江干護行，衆數萬。先生聞之，五鼓登舟。比曉已渡江抵蘇。寓楓橋，士民獻果蔬如在揚時。再赴聽勘，回蘇比戶焚香遮道不可行。及復任，士民歡忭，拜舞龍亭，呼萬歲者數十萬人。復相率詣闕，跪香上疏，願各減壽一齡祝添聖壽萬萬歲。上聞大悅。而全閩士民始奔號呼籲，旣而頌恩祝聖亦與江蘇不約同。自是直聲浩氣震天下。五十二年，進濂洛關閩集解，疏薦福建布政使李發甲、臺灣道陳瓊，前祭酒余正健，旋奏免揚州落地稅，得旨俞允。明年，疏請嚴海禁，尋以劾布政使牟欽元藏



匿通洋匪棍張令瀉請旨革職著追爲總督赫壽尙書張鵬翮副都御史阿錫鼐等劾令解官。時先生因事赴常州卽州中解綬去伴送鎮江夜分對簿多方摧折并脅幕下客代承未幾竟坐挾詐欺公誣陷良民議斬。先生處之恬然讀書晝夜無間爲門人講說成講義數十篇居半歲體加充色加晬獄上聖祖不從命免罪入都過揚州父老數萬焚香夾兩岸行求停舟一見爲監行胡同知某所格抵京上卽命陞見且曰張伯行原無罪當以錢糧事任之明日召對命講太極圖說入直南書房權倉場總督奏除積弊五十五年奉命往賑順天永平二府講行社倉法明年典順天鄉試時方督糧通州特召入闈異數也旋授戶部侍郎兼督倉場六十

年、總裁會試、所得士來謁、必告以聖賢之學、務實心報國、不可汨沒勢利、負科名。會河決、召對行在、論河務。以母病、歸省、命便道視武陟決口。明年春、與千叟宴。偕諸臣入謝、皆賜坐。諭曰、汝等皆大臣、當惠愛百姓。如張伯行爲巡撫時、是真能以百姓爲心者也。十一月、世宗卽位。罷眷逾格、命與議政、賜紫、禁城騎馬。遷禮部尙書、御書禮樂名臣額賜之。上親郊前三日、視牲、故事皆王公、大學士行禮、上特命先生。雍正二年、進續近思錄、張南軒、陳克齋、陳北溪、許魯齋諸集。命赴闕里致祭、追王先聖五代、便道歸省親。建議以明羅欽順、本朝陸隴其從祀兩廡、又請以宋儒張子之父張迪配享崇聖祠、從之。三年二月、薨於位、年七十有五。遺疏請崇正學、勵



直臣爲千古第一首出之君。綿萬世無疆之祚。天子震悼。贈太子太保。予祭葬於卹典外。加祭一次。遣大臣奠醢。命部寺漢堂官及科道於諭祭日齊集。出殯日會送。賜諡情恪。先生天性樸誠。操守廉潔。凡有設施。皆本於實踐。歷官二十餘年。未嘗携眷屬。初任濟寧。隨行止四人。撫閩十二人。撫吳十三人。日用蔬菜米麥。尺帛寸絲。以至磨牛礮石。皆自河南運載之。官在濟時。疏濬灘河。兗州十五縣無水患。又捐資築五岔口堰。引水入灘。士民蒙利。立生祠五岔口。世所行居濟一得。先生治河紀事之書也。方涖閩。官廨帷幕皆錦繡。驚問。吏以行戶鋪設對。盡撤還之。其禁止餽送檄云。一銖一黍。民脂民膏。寬一分。民受一分之賜。受一文。身受一文之汙。一